



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 206. Frag.

urn:nbn:de:hbz:466:1-32773

so hochtragen seydt / daß ihr mit euwer Lehr die ganze Welt trus-
ken dörfte / vnd auß Stolsheit nicht leyden möget / daß ein andere
Lehr / ja auch nicht der H. Väter / der euwern fürgezogen werde /
noch daß man euch euwre Irthumb zuverstehen gebe. Dieweyl
ir auch gleichergestalt der Warheit vnd obersten Kirchenhäuptern
widerstandt thun / wie vorzeyten Jamnes vnd Mambres dem
obersten Regenden Moysi thaten / daß ich der vbrigen Lastern so
Paulus hievor erzählet geschwenge / ob wol sie an euch genugsam
auch befunden werden / Darauß leichtlich zuschliessen ist / daß ihr
eines verkehrten Verstandis vnd verworffnen falschen Glaub-
bens sindt / vnd deßhalb mit bestem fürsehen zumeyden.

Die 206. Frag.

Nemmet war / spricht Christus der Herr / ich hab euch vor-
gesagt / So euch jemandt wirdt sagen / hie ist Christus oder
dort / Er ist in der Wüste / oder in der Kammern / so solt ihr
es nicht glauben / Matth. 24. Könnet ihr dann sagen / daß dises
nit an euch seye warhafft worden / seytenmal der ein schreyt / hie ist
Christi Kirch / der ander dort ist sie / der ein will Christi Versamb-
lung auff dem Felde oder im Walde haben / der ander bey der Für-
sten Hoff / einer will sie in diser Landschaft / der ander aber in je-
ner haben oder in Winkeln. Vñ will dannoch ein jedtweder seine
Kirch sey die Catholische Kirch Christi die zu jeden zeytē bey allen
Völkern habe gelten sollen / vnangesehen / daß diser sein Glaub
erst vor kurzer zeyt erwachsen / vnd bey allen Völkern bisher vn-
erkandt ist gewesen / zu dem auch / daß alle Heiligen Lehrer vnd Hi-
storien jeder zeyten einhelliglich wider ihn Zeugnuß geben.

Die 207. Frag.

Ir das letzte ist nit auch diser Spruch vnd weyßsagung / an
den Neuwgläubigen Teutschen vnd andern vollbracht
worden / dieweyl sie mehr dem Bauch auffwarten / als der
Gottseligkeit / Nemlich / Ich sag euch spricht Christus / das Reich
Gottes wirdt von euch genommen / vnd einem Volck geben
werden / das seine Frucht thut vnd vollbringet / Matth. 21. Wie

B ij zuse